

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-22293/22
Sarajevo, 16.01.2023. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14i 59/22) i Pravilnika o nabavci roba, vršenju usluga i ustupanju radova, a na preporuku Komisije za javnu nabavku radova, Općinski načelnik donosi

ODLUKU

Izgradnja distributivne vodovodne mreže u zoni rezervoara “Briješće” koji se nalazi u MZ “Naselje heroja Sokolje

I

Prihvata se preporuka Komisije za javnu nabavku radova i okvirni sporazum u postupku javne nabavke - Izgradnja distributivne vodovodne mreže u zoni rezervoara “Briješće” koji se nalazi u MZ “Naselje heroja Sokolje”, broj obavještenja 422-1-3-234-3-209/22, objavljeno na Portalu javnih nabavki dana 26.10.2022.godine i u “Službenom glasniku BiH” – Oglasnik javne nabavke broj 74/22 od 04.11.2022. godine, dodjeljuje se grupi ponuđača “Ted Invest” d.o.o. Sarajevo i “Bujice” d.o.o. Konjic, sa ponuđenom cijenom za okvirni sporazum u iznosu od 481.500,00 KM bez PDV-a, odnosno 563.355,00 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-22293/22 od 25.10.2022. godine Općina Novi Grad Sarajevo pokrenula je otvoreni postupak javne nabavke – Izgradnja distributivne vodovodne mreže u zoni rezervoaru “Briješće” koji se nalazi u MZ “Naselje heroja Sokolje”, broj obavještenja 422-1-3-234-3-209/22, objavljeno na Portalu javnih nabavki dana 26.10.2022.godine i u “Službenom glasniku BiH” – Oglasnik javne nabavke broj 74/22 od 04.11.2022. godine.

Zapisnikom o otvaranju ponuda od 17.11.2022. godine Komisija je konstatovala su u predviđenom roku, u propisno upakovanim kovertama, pristigle četiri (4) ponude ponuđača:

1. „Džekos” d.o.o. Sarajevo
2. “Mibral” d.o.o. Sarajevo
3. grupa ponuđača “Ted Invest” d.o.o. Sarajevo i “Bujice” d.o.o. Konjic
4. grupa ponuđača “Harysco” d.o.o. Sarajevo i “Instel” d.o.o. Bijeljina

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle četiri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač "Džekos" d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri kalendarske godine kao izvođač uspješno izvršio najmanje jedan ugovor koji za predmet ugovora ima radove koji se odnose na izgradnju vodovodne distributivne mreže vrijednosti najmanje 250.000,00 KM sa PDV-om, a tačkom 3.4.2. (a) propisano je da se navedeno dokazuje listom izvršenih ugovora ponuđača koji su u vezi sa predmetom nabavke a koji su realizovani u posljednje tri godine sa vrijednostima, datumima i naručiocima radova kao dokaz da je dobavljač uspješno izvršio najmanje jedan ugovor koji za predmet ugovora ima radove koji se odnose na izgradnju vodovodne distributivne mreže vrijednosti najmanje 250.000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima radove koji se odnose na izgradnju vodovodne distributivne mreže vrijednosti najmanje 250.000,00 sa PDV-om, koju je izdala ugovorna strana – naručilac radova. Ponuđač je kao dokaz tehničke i profesionalne sposobnosti priložio potvrdu o uspješno realizovanim ugovorima koju je izdala Općina Stari Grad Sarajevo broj 13/1-19-1317/20 od 17.08.2020.godine, koja se odnosi na radove izgradnje podzemne garaže sa višenamjenskim trgovom i okolnom saobraćajnicom (građevinsko zanatski, elektro, mašinski, radovi ViK-c, hortikulturalno uređenje i uređenje saobraćajnice) MZ Bistrik – Općina Stari Grad Sarajevo. Obzirom da se predmet nabavke odnosi na izgradnju vodovodne distributivne mreže, Komisija je utvrdila da vrijednost radova iz dostavljene potvrde koji se odnose na vodovod nije u iznosu 250.000,00 KM, kako je traženo tenderskom dokumentacijom.

Iz naprijed navedenih razloga utvrđeno je da ponuđa "Džekos" d.o.o. Sarajevo ne ispunjava uslove tražene u tenderskoj dokumentaciji iz tačke 3.4.2. (a) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji Komisija je izvršila računsku kontrolu ostalih ponuda te utvrdila računsku grešku u ponudi grupe ponuđača „Ted Invest“ d.o.o. Sarajevo i „Bujice“ d.o.o. Konjic u obrascu za ponudu (Aneksa 2) i obrascu za cijenu ponude (Aneks 3) tenderske dokumentacije. Računska greška se odrazile na to da ukupno ponuđena cijena za ugovor u Aneksu 2 i Aneksu 3 ponude treba da iznosi: 557.779,90 KM bez PDV-a, PDV na cijenu ponude treba da iznosi 94.822,58 KM i ukupna cijena za ugovor treba da iznosi 652.602,48 KM sa PDV-om. Komisija je dana 28.11.2022.godine uputila ponuđaču obavijest o ispravci računске greške, o čemu je ponuđač je dostavio saglasnost broj 02-176/22, dana 30.11.2022. godine.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. "Mibral" d.o.o. Sarajevo sa ponuđenom cijenom za okvirni sporazum u iznosu od 483.392,79 KM bez PDV-a, 2. grupa ponuđača "Harysco" d.o.o. Sarajevo i "Instel" d.o.o. Bijeljina sa ponuđenom cijenom za okvirni sporazum u iznosu od 489.476,62 KM bez PDV-a i 3. grupa ponuđača "Ted Invest" d.o.o. Sarajevo i "Bujice" d.o.o. Konjic sa ponuđenom cijenom za okvirni sporazum u iznosu od 557.779,90 bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 02.12.2022. godine sa početkom u 14:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-234/22 od 02.12.2022.godine, Komisija je utvrdila da konačna rang lista izgleda kako slijedi:

1. grupa ponuđača "Ted Invest" d.o.o. Sarajevo i "Bujice" d.o.o. Konjic sa ponuđenom cijenom za okvirni sporazum u iznosu od 481.500,00 KM bez PDV-a,
2. „Mibral“ d.o.o. Sarajevo sa ponuđenom cijenom za okvirni sporazum u iznosu od 482.000,00 KM bez PDV-a,
3. grupa ponuđača "Harysco" d.o.o. Sarajevo i "Instel" d.o.o. Bijeljina sa ponuđenom cijenom za okvirni sporazum u iznosu od 489.476,62 KM bez PDV-a

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da ponuđena cijena za okvirni sporazum grupe ponuđača "Ted Invest" d.o.o. Sarajevo i "Bujice" d.o.o. Konjic iznosi 481.500,00 KM bez PDV-a, odnosno 563.355,00 KM sa PDV-om, o čemu je ponuđač dostavio saglasnost broj 03-130/22 dana 13.12.2022. godine.

Komisija je nadalje utvrdila da je predmetna ponuda grupe ponuđača "Ted Invest" d.o.o. Sarajevo i "Bujice" d.o.o. Konjic u iznosu od 33.355,00 KM veća od iznosa određenog u Odluci o pokretanju postupka javne nabavke (gdje procjenjena vrijednost predmetne nabavke iznosi 530.000,00 KM sa PDV-om). Komisija je od Službe za finansije zatražila stručno mišljenje o mogućnosti odobravanja dodatnih sredstava u skladu sa Zakonom o javnim nabavkama. Mišljenjem broj 02/09-11-JN-22/DŽ.K. od 23.12.2022.godine (Komisija zaprimila dana 16.01.2023.godine) Služba za finansije dala je saglasnost na traženi dodatni iznos od 33.355,00 KM, te je na osnovu te saglasnosti Komisija nastavila sa procedurom javne nabavke.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa grupom ponuđača "Ted Invest" d.o.o. Sarajevo i "Bujice" d.o.o. Konjic.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik

Semir Efendić